

Arkiv: FA-G01, FA-G03
JournalpostID: <jplD> 20/33109
Saksbehandlar:
Dato: 04.06.2020

Saksframlegg

Saksnr.	Utvalg	Møtedato
067/20	Alver formannskap	11.06.2020

Vedtak for å førebyggje og avgrense koronasmitte - justering 11.06.2020

Rådmannen sitt framlegg til vedtak:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

- Kommunen kan opne for utleige av innandørs idrettshallar. Av omsyn til kapasitet og ferieavvikling for reinhald og drift er det likevel naudsynt å halde idrettshallane stengd til ferieavvikling er gjennomført, seinast ved skulestart haust 2020.
- Alle andre kommunale bygg, garderobeanlegg og svømmehallar skal vere stengd for utleige fram til 20. august 2020
- Utandørs idrettsanlegg kan vere opne for aktivitet i samsvar med nasjonale smittevernreglar.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak.

Alver formannskap 11.06.2020:

Behandling:

Framlegg om endring av kulepunkt 1 frå T.Larsen-H:

Kommunen åpner for utleie av Nordhordlandshallen, Lindåshallen og Radøyhallen fra 20. juni til lag og organisasjoner. Rådmannen bes på ny å utgreie hvordan dette kan gjøres med hensyn til smitteverntiltak, kapasitet og gjennomføring. Smittevernhensyn må ivaretas ved utleie. Det må gjøres en egen vurdering av hver enkelt bestilling for leie av hall om aktiviteten er gjennomførbart i tråd med gjeldende smittevernhensyn. Formannskapet ber rådmannen legge frem en orienteringssak om kostnader knyttet til dette på neste kommunestyremøte, og oppmoder administrasjonen til å kostnadsføre merutgiftene for ekstra renhold i Korona-regnskapet.

Framlegget fekk 2 røyster og fall (T.Larsen-H og N.M.Aadland-H)

Framlegg om endring av kulepunkt 1 frå A.Hetlebakke-KRF:

Alle kommunale idrettshallar vert opna for utleige frå mandag 27. juli 2020. Formannskapet

bed rådmannen leggja fram ei vurdering til kommunestyremøtet 25. juni om det vil vera mogleg å gje tilbod om Open hall innanfor perioden 27. juli til skulestart.

Framlegget vart samrøystes vedteke.

Framlegg om tilleggspunkt frå N.Bognøy-AP:

Alver kommune kontaktar Nav for å orientera om aktivitetstilbod retta mot born og unge sommaren 2020. Mål er å dela kunnskap om dei aktivitetar ein kan delta i i løpet av sommaren.

Framlegget vart samrøystes vedteke.

Rådmannen sitt framlegg med endring og tillegg vart samrøystes vedteke.

FO- 067/20 Vedtak:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

- Alle kommunale idrettshallar vert opna for utleige frå mandag 27. juli 2020. Formannskapet bed rådmannen leggja fram ei vurdering til kommunestyremøtet 25. juni om det vil vera mogleg å gje tilbod om Open hall innanfor perioden 27. juli til skulestart.
- Alle andre kommunale bygg, garderobeanlegg og svømmehallar skal vere stengd for utleige fram til 20. august 2020
- Utandørs idrettsanlegg kan vere opne for aktivitet i samsvar med nasjonale smittevernreglar.
- Alver kommune kontaktar Nav for å orientera om aktivitetstilbod retta mot born og unge sommaren 2020. Mål er å dela kunnskap om dei aktivitetar ein kan delta i i løpet av sommaren.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak.

Politisk handsaming

Saka skal avgjerast i formannskapet

Bakgrunn

Den 14. mai 2020 gjorde kommunestyret i Alver følgjande vedtak i sak 47/20:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

- Kommunen stenger for utleige av alle kommunale bygg og eigedomar, og stenger idrettshallar fram til 20. juni 2020. Symjehallar blir halde stengt til skulestart. Kommunestyret ber rådmannen greie ut moglege løysningar og retningslinjer for å opne kommunale idrettshallar for born og unge etter skoleferien startar.
- Formannskapet får fullmakt til å gjere ei ny vurdering og fatte nytt vedtak.
- I tillegg avlyser kommunen alle arrangement som er knytt til fysisk deltaking og utleige av kommunen sine lokalar i same tidsrom.
- Utandørs idrettsanlegg kan opnast for aktivitet i samsvar med nasjonale smittevernreglar.
- Kommunen kan nytte kommunale bygg og eigedomar til eigne tenester og

aktivitetar etter gjeldande smittevernreglar, dette inkluderer også politiske møte.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak

I vedtaket står det at rådmannen skal greie ut moglege løysingar og retningslinjer for å opne kommunale idrettshallar for born og unge etter at skuleferien startar, det vil seie i tida etter 20. juni.

Vurdering

Samfunnet er på god veg til å opne opp igjen etter alle koronatiltaka som blei sett i verk i mars 2020. Regjeringa har laga ein plan for gradvis opning av ulike aktivitetar i tråd med råd og retningslinjer for smittevern. Frå 7.mai var det mogleg å opne idrettshallar, men garderobbar skal vere stengd. Frå 1. juni blir det opna for organisert svømming, inkludert skulesvømming.

Kommunestyret ber rådmannen vurdere moglege løysningar og retningslinjer for å opne kommunale idrettshaller for born og unge etter skuleferien startar. Normalt sett har kommunen stengd idrettshallane i sommarferien, dette for å kunne gjennomføre ferieavvikling for eigedomsdrift og reinhald. Det er heller ikkje budsjettert med driftsutgifter på bygningane om sommaren, og dei mindretgiftene som kom i løpet av koronaperioden blei nytta til smitteverntiltak for dei bygg og anlegg som var opne.

Kommunen har vore i dialog med idrettslaga og tilbakemeldinga er at nokre idrettslag ønskjer å kunne nytte Radøyhallen, Lindåshallen, Nordhordlandshallen og Knarvik Arena. Ei opning av idrettshallane i sommarferien vil bli rekna som eit ekstraordinært tiltak utover det som er normalt i eit vanleg driftsår. Om formannskapet ønskjer at kommunen skal leige ut idrettshallane, vil det kome ekstra kostnader til reinhald og drift utover det som er budsjettert. I tillegg må ein sjå på løysingar for booking av hall og gjennomføre ROS-analyser for å sikre at aktiviteten er i tråd med gjeldande smittevernreglar.

For å sikre at born og unge kan vere mest mogleg i aktivitet i sommar, har tenesteområdet kultur i samarbeid med lag og organisasjonar starta arbeidet med å lage eit aktivitetsprogram med uteaktivitetar for born og ungdom. Aktivitetane startar allereie i juni. For ungdom blir det lagt opp til fjellturar, uteklubbar, rebusløp, kajakturar, bading, grilling, fisking, sykkelturar etc. For born blir det mellom anna præriddag på Sletta, maritime aktivitetar på Litlebergen, sjømannskap med Holsnøy Kystlag og besøk på gard. Alle aktivitetar er gratis og inkluderer lunsj. Gjeldande smittevernreglar blir sjølvstendig fulgt. Det er gjennomført vurdering av aktivitetar innandørs, til dømes open hall. Vurderinga er at dette ikkje er forsvarleg med tanke på normalt besøksnivå på desse arrangementa. Dersom ein opnar for opp til 200 personar, må det sikrast 1 meters avstand og dette blir vurdert for krevjande å kunne gjennomføre. På bakgrunn av dette blir det satsa meir på utandørs aktivitetar.

Tilråding:

Det er ikkje behov for å stenge idrettshallane i samsvar med smittevernlova, men rådmannen rår likevel til at idrettshallane er stengd av omsyn til kapasitet og ferieavvikling for reinhald og drift. Idrettshallane opnar for utleige når ferieavvikling er gjennomført, seinast ved skulestart 2020.

Om formannskapet likevel ønskjer å halde idrettshallane opne, rår rådmannen til at det er Radøyhallen, Lindåshallen og Nordhordlandshallen. Knarvik Arena er ein meir moderne hall med kompliserte og tekniske system, og opning av denne hallen bør vente til ferieavvikling er over for å sikre at tilsette med kompetanse kan følgje det opp. Alle andre kommunale bygg og anlegg bør vere stengd for utleige fram til 20. august 2020. Alle garderobeanlegg og

svømmehallar blir også stengd for bruk og utleige fram til skulestart haust 2020. Det vil bli ekstra kostnader til drift og reinhald om hallane blir halde opne i sommarferien.